



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Health

Broj: 10-33- 40137- 33 /21  
Sarajevo, 29.11.2021.godine

SKUPŠTINA KANTONA SARAJEVO  
-Služba za Skupštinske poslove-

**PREDMET:** Odgovor na zastupničku inicijativu-dostavlja se

Zastupnica Vildana Bešlija, dana 17.11.2021. godine, na nastavku 44. Radne sjednice u skladu sa članom 213. stav 1. Poslovnika Skupštine Kantona Sarajevo, podnijela je zastupničku inicijativu prema Ministarstvu zdravstva Kantona Sarajevo sljedeće sadržine:

- „ Da radi veće pouzdanosti u rad zdravstvenih ustanova, prikuplja podatke od institucija nadležnih za verifikaciju opreme zdravstvenih ustanova i vodi Registar verifikovanih svih zdravstvenih ustanova i apoteka kojima je osnivač Kanton Sarajevo, kao i onih u privatnoj praksi za područje kantona u skladu sa obavezama koje proizilaze iz važećih zakona i osnivačkih akata u obavljanju djelatnosti za koju su registrovane, koji će se ažurirati na mjesečnom nivou kao redovna aktivnost.
- Da na stranici Ministarstva zdravstva KS u cilju transparentnosti bude postavljen i stalno dostupan javnosti link sa Registrom verifikovanih zdravstvenih ustanova i apoteka kojima je osnivač Kanton Sarajevo, kao i onih u privatnoj praksi za područje kantona u skladu sa obavezama koje proizilaze iz važećih zakona i osnivačkih akata u obavljanju djelatnosti za koju su registrovane, koji se ažurira na mjesečnom nivou“.

U vezi sa pokrenutom zastupničkom inicijativom, Ministarstvo zdravstva dostavlja sljedeći

### ODGOVOR

Zakonom o evidencijama iz oblasti zdravstva („Službene novine FBiH“, broj 37/12) te podzakonskim aktima Pravilnikom o obliku i sadržaju osnovne medicinske dokumentacije („Službene novine FBiH“, broj 61/18); Pravilnikom o obliku, sadržaju i načinu vođenja individualnih izvještajnih obrazaca i drugih pomoćnih obrazaca za vođenje evidencija („Službene novine FBiH“, broj 61/18), te Pravilnikom o načinu i rokovima dostavljanja i obliku i formi zbirnih izvještajnih obrazaca („Službene novine FBiH“, broj 61/18), Registar opreme, odnosno prikupljanje Izvještaja o organizacijskoj strukturi, kadrovima i medicinskoj opremi ustanove (Obr. br. 1-Z-OKO) je u isključivoj nadležnosti kantonalnih zavoda za javno zdravstvo.



web: <http://mz.ks.gov.ba>  
e-mail: [mz@mz.ks.gov.ba](mailto:mz@mz.ks.gov.ba)  
Tel: + 387 (0) 33 562-104,  
Fax: + 387 (0) 33 562-243  
Sarajevo, Reisa Džemaludina Čauševića 1



Prema članu 58. pomenutog Zakona, Federalni i kantonalni zavodi za javno zdravstvo odgovorni su za provođenje zdravstveno-statističkih istraživanja u svrhu praćenja, procjene i analize zdravstvenog stanja stanovništva, kao i organizacije zdravstvene zaštite.

Zdravstvene ustanove, nosioci privatne prakse i druga pravna i fizička lica su izvještajne jedinice koje su dužne kontinuirano prikupljati i obrađivati podatke o pojavama, bolestima i stanjima koja su predmet evidencija i polugodišnje i godišnje izvještavati zavode za javno zdravstvo o sadržaju vođenih evidencija u skladu sa Planom i Programom statističkih istraživanja od interesa za Federaciju Bosne i Hercegovine.

Prihvatanje ove inicijative bi značajno poremetilo način izvještavanja, prikupljanja podataka i krajnje dostave podataka prema Federalnom Zavodu za javno zdravstvo Federacije BiH. Pored toga, potrebno je istaći da je JU Zavod za javno zdravstvo Kantona Sarajevo ima formiranu Radnu jedinicu za socijalnu medicinu sa organizacijom zdravstva, zdravstvenom statistikom i informatikom u okviru koje je Odjel zdravstvene statistike sa zdravstvenom informatikom u čijoj nadležnosti je:

- Provođenje zdravstveno–statističkih istraživanja u oblasti zdravstva (prikupljanje, obrada i analiza zdravstveno–statističkih podataka) u skladu sa postojećim zakonskim okvirom u svrhu praćenja, procjene i analize zdravstvenog stanja stanovništva kao i organizacije i rada zdravstvenih ustanova na području kantona,
- Formiranje i održavanje baza podataka statističkih istraživanja iz oblasti zdravstva,
- Koordinacija procesa zdravstveno–statističkog izvještavanja na području kantona,
- Pružanje stručno–metodološke pomoći zdravstvenim ustanovama za proces zdravstveno–statističkog izvještavanja,
- Edukacija zdravstvenih radnika u javnom i privatnom sektoru za proces zdravstveno–statističkog izvještavanja,
- Šifriranje osnovnog uzroka smrti na potvrdi o smrti,
- Učešće u izradi i pripremi različitih indikatora za potrebe izrade analiza, stručnih mišljenja i studija u oblasti zdravstva,
- Redovna godišnja izrada indikatora za studiju o zdravstvenom stanju stanovništva, higijenskim prilikama i zdravstvenoj djelatnosti u Kantonu Sarajevo,
- Periodična izrada registara kadra u zdravstvu (zdravstveni radnici, zdravstveni saradnici, administrativno-tehnički radnici).

Ministarstvo zdravstva Kantona Sarajevo na osnovu člana 62. može na zahtjev tražiti dostavu podataka iz medicinske dokumentacije i zdravstvenih izvještaja.

Pored navedenog, a prema važećim propisima, sva kantonalna ministarstva zdravstva sa područja Federacije BiH imaju obavezu godišnjeg prikupljanja Izvještaja o potrošnji lijekova i medicinskih sredstava a što je detaljno definisano definisano Pravilnikom o načinu praćenja potrošnje lijekova („Službene novine Federacije BiH“, broj 98/14).

Evidenciju o nabavkama i potrošnji lijekova i medicinskih sredstava dužne su voditi apoteke zdravstvene ustanove, bolničke apoteke, apoteke u privatnoj praksi i specijalizirane trgovine za promet medicinskim sredstvima na malo, na način da uredno popunjene izvještajne obrasce dostavljaju nadležnom kantonalnom ministarstvu zdravstva do 1. marta tekuće godine za prethodnu godinu u pisanom i elektronskom obliku.



web: <http://mz.ks.gov.ba>  
e-mail: [mz@mz.ks.gov.ba](mailto:mz@mz.ks.gov.ba)  
Tel: + 387 (0) 33 562-104,  
Fax: + 387 (0) 33 562-243  
Sarajevo, Reisa Džemaludina Čauševića 1



Za provođenje navedenih aktivnosti jedina smetnja je ne postojanje jedinstvenog softwera na području Federacije BiH, čija uspostava je u nadležnosti Federalnog Zavoda za javno zdravstvo Federacije BiH, odnosno Federalnog ministarstva zdravstva.

U vezi sa vođenjem Registara verificiranih apoteka, specijaliziranih prodavica na malo, privatnih zdravstvenih ustanova te ambulanti, Ministarstvo zdravstva Kantona Sarajevo posjeduje sve podatke, ali se od perioda nastanka pandemije isti nisu ažurirali na web stranici, Trenutno se vode aktivnosti na ažuriranju podataka na web stranici, a što je u skladu sa Uredbom o vrsti i postupku objavljivanja propisa i javnosti rada organa uprave, javnih preduzeća, javnih ustanova i pravnih lica čiji je osnivač Kanton Sarajevo („Službene novine Kantona Sarajevo“, broj 21/19).


*S poštovanjem,*

**MINISTAR**

**Prof. dr Haris Vranić**

DOSTAVLJENO:

1. Naslovu
2. a/a



web: <http://mz.ks.gov.ba>  
e-mail: [mz@mz.ks.gov.ba](mailto:mz@mz.ks.gov.ba)  
Tel: + 387 (0) 33 562-104,  
Fax: + 387 (0) 33 562-243  
Sarajevo, Reisa Džemaludina Čauševića 1

